

## UNSICHTBAR

## SCHTÄRNEFÖIFI

Str: <sup>Am</sup> S'Rezäpt isch kompliziert, <sup>E7</sup> ich ha's tuusigmal probiert, bis es ggange isch  
<sup>Am</sup> Ich ha Glasnudle gschluckt, <sup>E7</sup> es Chamäleon-Ei und en Tintefisch  
<sup>Dm</sup> Es isch zum Verzwiifle gsi, <sup>E7</sup> aber jetz isch es sowiit: <sup>Am</sup> ich han's gschafft  
<sup>F</sup> Es isch zwar e chli bitter, <sup>G</sup> aber s'isch en halbe Liter <sup>Am</sup> Zaubersaft  
<sup>A</sup> Es bruucht nur es winzigs Glas, <sup>E7</sup> es langt en Fingerhuet  
<sup>A</sup> Es bränt e chli im Hals, <sup>E7</sup> unverdünnt isch's nöd so guet  
<sup>F</sup> Ich ha das Wahnsinns-Experimänt <sup>G</sup> ganz älei <sup>Am</sup> erfunde  
<sup>F</sup> Jetz gäht's nur no en Momänt, <sup>G</sup> und dänn bin ich <sup>E7</sup> verschwunde

Ref: <sup>C</sup> *Wo bini ächt, wo bini ächt? Was meineder? Ja du häsch rächt, s'isch wahr* <sup>G</sup>  
<sup>Am</sup> *Ich bin unsichtbar, ich bin unsichtbar, ich bin zwar no da, aber unsichtbar* <sup>C</sup> <sup>Am</sup>  
<sup>Am</sup> *Ich bin unsichtbar, ich bin unsichtbar, ich bin unsichtbar* <sup>C</sup> <sup>Am</sup> <sup>F</sup>

Str: Ich fahr schtundelang gratis mit de Gondelbahn, ich bin unsichtbar  
 Ich gang eifach so is Kino und in Zoo, ich bin unsichtbar  
 Ich bruuche käs Billeet, ich bruuche kä Gält, ich ha nur eis Problem  
 Well ich usgseh wie Luft hockeds mängisch uf mich druff und das isch unbequäm  
  
 Wär zeichnet plötzlich im Lift en Notusgang a d'Wand?  
 Me gseht nur en Filzschtift aber wiit und breit kä Hand  
 Ich nimm grad no es Schlückli meh vo mim Gheimrezäpt  
 S'isch luschtig wänn eim niemert gseht, was mer da erläbt

Ref: <sup>C</sup> *Wo bini ächt, wo bini ächt? Was meineder? Ja du häsch rächt, s'isch wahr* <sup>G</sup>  
<sup>Am</sup> *Ich bin unsichtbar, ich bin unsichtbar, ich bin zwar no da, aber unsichtbar* <sup>C</sup> <sup>Am</sup>  
<sup>Am</sup> *Ich bin unsichtbar, ich bin unsichtbar, ihr gsehnd mi nöd, ich bin unsichtbar* <sup>C</sup> <sup>Am</sup>  
<sup>Am</sup> *Das isch praktisch, das isch wunderbar, ich bin unsichtbar* <sup>C</sup> <sup>Am</sup> <sup>F</sup>

Str: Au en blinde Oschterhas findt emal es Ei im Gras, das isch de Bewiis  
 De Wäg isch lang und scheinig, aber d'Fachlüüt sind sich einig uusnahmswiis  
 Es git gwüss no massehaft Uufzgi i de Wüesseschaft, das schtimmt  
 Jetz hoffi nur, dass bitte öpper au es Gägemittel usefindt

Vo mir us dörf's au schtinke, s'dörf richtig gruusig sii  
 S'mues nöd fein sii zum trinke, aber ich bruuches glii  
 Ich ha das Wahnsinns-Experimänt ganz älei erfunde  
 Wänn niemerts'Gägemittel findt, dänn bliib ich verschwunde

Ref: *Wo bini ächt, wo bini ächt? Was meineder? Ja du häsch rächt, s'isch wahr*  
*Ich bin unsichtbar, ich bin unsichtbar, ich bin zwar no da, aber unsichtbar*  
*Ich bin unsichtbar, ich bin unsichtbar, ihr gsehnd mi nöd, ich bin unsichtbar*  
*Uf d'Längi tuet's eim fascht chli weh, wänn eim eifach niemert gseht*  
*Ich bi praktisch wie gar nümme da, ich bin unsichtbar*